

Didenda RM3,000 kerana tidak pameran harga minyak masak, telur ayam

By Wartawan MalaysiaGazette - 20 April 2020



Penguatkuasa KPDNHEP WPKL akan terus membuat pemantauan dan pemeriksaan di premis-premis perniagaan dan peniaga sepanjang PKP ini.

KUALA LUMPUR – Kementerian Perdagangan Dalam Negeri dan Hal Ehwal Pengguna, Wilayah Persekutuan Kuala Lumpur (KPDNHEP WPKL) telah mendenda dua peniaga sebanyak RM3,000 kerana tidak mempamer tanda harga semalam.

Ketua Pegawai Penguatkuasa Negeri, Azzem Nazuri berkata, peniaga tersebut dikompaun masing-masing RM2,000 dan RM1,000 kerana gagal meletakkan tanda harga bagi minyak masak dan telur ayam pelbagai saiz di premis yang beroperasi di Pudu.

"Kes tersebut dihasilkan menerusi pemeriksaan harian yang dijalankan lebih kurang jam 12.30 tengah hari tadi (semalam). Kompaun dikeluarkan kerana kesalahan di bawah Peraturan 3(1) Perintah Kawalan Harga (PHOPR) 1993.

"Kompaun tinggi dikenakan kerana ada peniaga yang masih gagal mematuhi undang-undang walaupun sentiasa diberi peringatan dan amaran," katanya dalam satu kenyataan di sini hari ini.

Azeem menegaskan, menjadi peringatan kepada peniaga lain supaya mempamerkan tanda harga dan tidak mengambil kesempatan sepanjang Perintah Kawalan Pergerakan (PKP) ini.

Sementara itu, sebanyak 1,227 premis telah diperiksa oleh KPDNHEP WPKL sepanjang PKP ini dengan keseluruhan tujuh kes dgn nilai kompaun RM3,600.

Penguatkuasa KPDNHEP WPKL akan terus membuat pemantauan dan pemeriksaan di premis-premis perniagaan dan peniaga diingatkan supaya tidak melanggar undang-undang dan kompaun tinggi akan dikenakan sekiranya masih gagal.

Kementerian menerusi Bahagian Penguatkuasa memberi amaran keras dan peringatan kepada mana-mana individu mahu pun syarikat supaya tidak melanggar undang-undang. Sebarang aduan boleh disalurkan kepada Kementerian ini melalui:

- (i) Portal e-aduan@kpdnhep.gov.my
- (ii) Call Centre 1800 886 800
- (iii) Emel e-aduan@kpdnhep.gov.my
- (iv) Aplikasi telefon pintar Ez ADU
- (v) Enforcement Command Centre (ECC) Putrajaya 03-8882 6245 / 6088
- (vi) Whatsapp ke 019- 279 4317. – MalaysiaGazette

<https://malaysiagazette.com/2020/04/20/didenda-rm3000-kerana-tidak-pamer-harga-minyak-masak-telur-ayam/>